



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Liber Theologiæ Moralis, Viginti Qvatvor Societatis Iesv  
Doctoribvs Reseratvs**

**Escobar y Mendoza, Antonio de  
Lvgdvni, 1659**

VI. De satisfactione tertia parte Pœnitentiæ.

**urn:nbn:de:hbz:466:1-41066**

778 *Moralis Theologiae Tract. VII. Sacra*  
lutione indignum iudicante: quidnam prestandum est? Sur  
adhærere Confessarius opinioni debet; quia tunc iudicis  
debet præualere sententia.

76. Quid si oriatur dissidium ex eo, quod Confessarius pro-  
prius Sacerdos non sit, & pœnitentem, audita eius Confessione,  
nolit absoluere, quia sibi videatur obligatus non esse: pœnitentis  
autem absolutionem efflagiter? Pœnitentis sententia Confes-  
sori sequenda est; quia audita Confessione tenetur absoluere.

77. Si pœnitens uni probabili sententiæ adhæreat, contra-  
rium verò probabiliorem Confessor existimet, quid? Pœnitentis  
sententiæ probabili, probabiliore reiecta, se debet Confessor conformare.

---

## C A P V T   V I .

### *De Satisfactione, tertia parte Pœnitentia.*

78. **Q**uid est Satisfactione? Voluntaria solutio, & quedam  
compensatio iniuriae Deo per peccatum illatae, cum  
proposito non peccandi amplius. Confert maximè ad pœna  
temporalis remissionem, quam per opera sua iustus posset  
absolutè obtinere.

79. Quænam conditiones requiruntur ut quis per opera sua  
temporalia obtineat remissionem? Aliquot requiruntur. Prima,  
vt qui satisfacit in gratia sit; quia dum in peccato moratur,  
nec pro remissis peccatis satisfacere potest, nec bona opera in  
illo facta vñquam ad satisfactionem reuiniscunt ex opere  
operatoris. Secunda, vt sit viator. Tertia, vt opus liberum sit  
moraliter bonum, & honestum, siue sit ex consilio, siue etiam  
ex præcepto, siue internum, siue externum. Quarta, vt sit pœ-  
nale; scio probabile esse opus omne bonum & meritorium,  
esse quoque satisfactorium. Porro pro quolibet peccato sati-  
fieri per quodlibet opus pœnale potest, si ratio habeatur solu-  
tionis pœnae: non ita si ratio medicinæ spectetur. Etiam per  
pœnas extrinsecus illatas, v.gr. ægritudines, bella, aliaque in-  
commoda satisfacere possumus, modò propter Deum voluntariè acceptemus. Quinta denique ex parte Dei requiritur  
eius promissio, vt opera nostra infallibiliter satisfactoria sint,  
& alterius vitæ pœnas remittant. Hisce conditionibus opera  
nostra de condigno satisfactoria dicuntur pro illa purgatorijs  
pœna quæ peccato respondet, non adhuc plenè quoad par-  
nam remissio.

80. Iam

80. Iam de Sacramentali satisfactione integrali quidem Sacramenti parte non essentiali , differas precor. Hæc planè aliquem habet effectum ex opere operato, nempe eius pœnæ remissionem, quæ præter illam, quæ merito respondet operantis confertur. Datur per eam præseruans auxilium ad peccatorum emendationem.

81. Tenetur ne Confessor semper pœnitenti satisfactionem imponere? Regulariter, & per se loquendo tenetur, non quidem semper per modum præcepti, sed aliquando per modum consilij, nonnunquam spectato doloris documento externo etiam potest absoluere nulla imposita pœnitentia.

82. An propterea in libera Confessarij voluntate relictam diu pœnitentie, seu satisfactionis impositionem? Minimè, sed consideratis debitis circumstantiis imponi ab eo congruentem satisfactionem debere, & ex iusta causa leuiorem, & nullam specialem aliquando ob dolorem affirmauit, sufficienti ad integratatem Sacramenti speciali dolore, & illa clausula superaddita formæ absolutionis: *Quidquid boni feceris, &c.*

83. Conditions satisfactionis Sacramentalis enumera. Debet esse opus moraliter bonum, personale regulariter, ( ex consensu tamen Confessarij potest etiam per alium confici ) denique particolare, & determinatum.

84. Potest ne huiusmodi satisfactio imposta tolli, & commutari? Potest tum ab eodem Confessario in Sacramento pœnitentiae, tum ab alio, sed audita Confessione saltem in specie, si æqualis Confessarius est primò; tum à Superiori Confessario eodem modo. Profectò Indulgentiæ plenariæ applicatio valet priorem pœnitentiam extinguere. Denique inferior potest commutare in ordine ad ea peccata, in quibus habet iurisdictionem; nam circa reseruata non posset nisi in necessitate, cum facilis non esset ad Superiore recursus.

85. Debet ne pœnitens pœnitentiam acceptare? Debet, & Confessor ad id eum valet obligare, supposito quod se velit Clauibus subiictere. Est autem obligatio suo genere grauis.

86. An possit in statu peccati impleri? Profectò ad Sacramenti integratatem satis est eam in statu peccati impleri, sed venialem in eo culpam committi existimo.